

Maktablar bilan hamkorlik

Bugun, 15-yanvar kuni "Geodeziya va geoinformatika" kafedrasida professor-o'qituvchilari O.Ro'ziqulova, S.Xikmatullaev, A.Jo'raevlar tomonidan Toshkent shahridagi 150-maktabda Geografiya fanidan "O'zbekiston orografiyasi" mavzusida ochiq dars tashkil qilindi. Ochiq ma'ruzani maktab direktori Aripova Komila Karimovna ochib berib, o'zlari ham dars so'ngigacha bolalar bilan teng-teng savollar javobini qidirib, tingladilar. Dars boshlanishida dots. O.Ro'ziqulova 2021-yil nomini o'quvchilarda so'radi. Ular bir ovozdor "Yoshlarni qo'llab-quvvatlash va aholi salomatligi" yili deb javob berdilar. So'ngra sizlar qaysi kasb egasi bo'lasiz degan savolga o'quvchilar: shifokor, ustoz, quruvchi, usta, hunarmand kabi javoblarni berdilar. So'ngra kasb tanlashda o'quvchini qobiliyati va qiziqishi asosiy hal qiluvchi ahamiyatga ega ekanligi ta'kidlandi. Maqsadni aniq qilib, maqsad sari dadil harakat qilish lozimligi bo'yicha maslahatlar berildi.

Dars davomida kafedra ustozlari tomonidan o'quvchilar orasida qiziqarli savol-javoblar o'tkazildi.



G'olib o'quvchilarga karta va atlaslar sovg'a qilindi. Bundan tashqari, assistent o'qituvchi A.Jo'raev tomonidan Yer resurslarini boshqarish fakulteti faoliyati yuzasidan ma'lumot berilib, bukletlar barcha o'quvchilarga topshirildi. Unda fakultet faoliyati va ta'lim yo'nalishlari batafsil yoritilgan. Yuqori sinf o'quvchilarini kasbga yo'naltirish maqsadida institutimizda mavjud bakalavriat ta'lim yo'nalishlari hamda magistratura mutaxassisliklari to'g'risida ma'lumotlar berildi. O'quvchilarda Toshkent relieflari-landshaftli globusi katta taassurot qoldirdi. Dars so'ngida o'quvchilar o'zlarini qiziqtirgan savollarga javoblar oldilar.



Yig'ilish so'ngida o'quvchilar va maktab rahbari "Geodeziya va geoinformatika" kafedrasida ustozlarini o'quvchilar bilan o'tkazgan ochiq darslari uchun minnatdorlik bildirib, kelasi safar bitiruvchi sinflar bilan uchrashuvga taklif qildilar. Kafedra o'qituvchisi S.Xikmatullaev geografiya fanidan sinflararo qiziqarli bellashuvlar tashkil etishni va musobaqaga xakam sifatida qatnashish taklifini kiritdi. Dots. O.Ro'ziqulova o'quvchilarni "Yosh o'lkashunos" to'garagiga darsdan so'ng taklif qildi. O'quvchilar tomonidan bu taklif xursandchilik bilan kutib olindi. Geografiya o'qituvchisi Normuxammedova Shaxnoza Xusnitdinovnaga bolalar bilan ishlashda pedagogik texnologiyalar bo'yicha maslahatlar berildi. Yunusobod tumanidagi 150-maktab va TIQXMMI o'rtasida imzolangan shartnomaga ko'ra, maktab o'quvchilari bilan rejali aloqalar davom ettiriladi. Institut Pedagogika kafedrasida professor-o'qituvchilari tomonidan 150-maktabni 5 nafar o'qituvchilari pedagogik mahorat darslarida masofadan malaka oshirdilar.



TIQXMMI matbuot xizmati